

Talamdan
sa Mga Mensahe alang sa Full-time Training
sa Fall Term sa 2025

LINANGKOB NGA HISGOTANAN:
ANG MAHINUNG DANONG MGA PUNTO SA KAMATUORAN SA MGA SULAT NI PABLO—
FILIPOS UG COLOSAS

Mensahe 11
Ang Misteryo sa Dios
ug
ang Kahupnganan sa Dios

Basahong Kasulatan: Col. 2:2, 9; 1:19; Efe. 1:10, 23; 3:19; 4:13

- I. “Aron malipay unta ang ilang kasingkasing, matagik sila pag-usa diha sa gugma ug ngadto sa tanang kadato sa hingpit nga kasegurohan sa pagpanabot, ngadto sa hingpit nga pagkaila sa misteryo sa Dios, nga si Cristo”—Col. 2:2:**
- A. Isip misteryo sa Dios, ang malangkobon-sa-tanan nga Cristo mao ang pagbatbat, pagpatin-aw, ug pagpadayag sa Dios—ang Pulong sa Dios; diha Niya natago ang tanang bahandi sa kaalam ug kahibalo—Juan 1:1; Bug. 19:13; Col. 2:2-3.
 - B. Isip misteryo sa Dios, ang malangkobon-sa-tanan nga Cristo mao ang Panganay sa tanang linalang—1:15; Juan 1:14; Isa. 9:6:
 - 1. Si Cristo nga Dios mao ang Magbubuhat (Heb. 1:10); isip tawo, nga nakaambit sa linalang nga dugo ug unod (2:14), bahin Siya sa kabuhatan.
 - 2. Sa wala pa matukod ang kalibotan, bisan sa wala pa gilalang ang bisan unsang butang, gitudlo nang daan sa Dios nga mahimong linalang nga tawo si Cristo aron motuman sa Iyang tuyo; busa, sa plano sa Dios ug sa Iyang walay kataposang panan-aw, si Cristo ang unang tawo nga gilalang—Col. 1:15; Miq. 5:2; 1 Ped. 1:20; Bug. 13:8.
 - 3. Gilalang ang kabuhatan diha ni Cristo, pinaagi ni Cristo, ug ngadto ni Cristo—Col. 1:16.
 - 4. Si Cristo ang una sa tanang butang, ug naanaa ang tanang butang diha Niya nga sentrong nagkupot ug sentro sa uniberso—v. 17.
 - 5. Ang tuyo sa Dios sa Iyang paglalang paggamit man sa mga butang sa kabuhatan sa paghulagway kang Cristo nga malangkobon-sa-tanan; naanaa ang tibuok uniberso sa tuyo nga ihulagway Siya nga dagway sa Dios nga dili makita—v. 15.
 - C. Isip misteryo sa Dios, ang malangkobon-sa-tanan nga Cristo mao ang Panganay gikan sa mga minatay—v. 18:
 - 1. Isip Anak sa Dios, niagi si Cristo og duha ka pagkahimugso; ang unang pagkahimugso mao ang Iyang pagpakatawo aron balaodnon tang matubos, ug ang ikaduhang pagkahimugso mao ang Iyang pagkabanhaw aron organico tang maluwas—Juan 1:14; Buh. 13:33; Rom. 1:3-4; 8:29.
 - 2. Isip naanaa-nang-daan sa eternidad, Siya ang atong Magbubuhat aron maanaa ta; isip Panganay sa tanang linalang, Siya ang atong Manunubos aron matubos ta; ug isip Panganay gikan sa mga minatay, Siya ang Espiritung taghatag-og-kinabuhi aron mahimo tang Dios—Heb. 2:10-11; itandi sa Bug. 22:1.

3. Si Cristo ang una sa pagkabanhaw isip Ulo sa Lawas; kay ingon niana man, Siya ang nag-una sa iglesia, sa bag-ong kabuhatan sa Dios—2 Cor. 5:17; Gal. 6:15.
 4. Hingpit gyong nagpadayag si Cristo sa Tulo-usang Dios kay Siya man ang Panganay sa duha ka paglalang, pinaagi Niya naanaa ang daang kabuhatan ug bag-ong kabuhatan; nagpuyo diha ni Cristo ang hingpit nga pagpadayag sa datong pagkamao sa Dios, diha sa kabuhatan ug sa iglesia—Col. 1:15, 18-19.
- D. Isip misteryo sa Dios, ang malangkobon-sa-tanan nga Cristo mao ang pagkalawas sa Dios; sukad sa pagpakatawo ni Cristo, nga nagsul-ob og lawas sa tawo, nagsugod sa nagpuyo diha Niya ang kahupnganan sa Dios sa lawas gyod; ug nagpuyo kini karon ug hangtod sa hangtod diha sa gihimayang lawas Niya—2:9; Fil. 3:21; Juan 20:27-29.
 - E. Isip misteryo sa Dios, si Cristo nga malangkobon-sa-tanan mao ang Espiritung taghatag-og-kinabuhi nga nagpuyo sa atong espiritu aron mahimong usa ka espiritu kanato; isip Espiritung taghatag-og-kinabuhi nga nasagol sa atong espiritu, Siya ang atong kinabuhi ug persona—1 Cor. 15:45b; 2 Tim. 4:22; Col. 3:4; Efe. 3:16-17.
 - F. Isip misteryo sa Dios, si Cristo nga malangkobon-sa-tanan mao ang inug-umol sa Lawas, sa iglesia, nga mao ang misteryo ni Cristo; dili si Cristo mismo ra nga Ulo kondili ang iglesia sab nga Lawas ang pagpadayag sa Dios diha sa unod, ang dakong misteryo sa pagkadiosnon—Col. 4:3; Efe. 3:3-4; 5:32; 1 Tim. 3:15-16a; 4:7.
 - G. Isip misteryo sa Dios, nag-una sa tanang butang si Cristo nga malangkobon-sa-tanan—sa daang kabuhatan ug sa bag-ong kabuhatan (Col. 1:18b), sa Cristohanong kinabuhi ug kasinatian (Bug. 2:4; 2 Cor. 5:14-15; Gal. 2:20), ug sa Cristohanong buhat ug mga mensahe (Efe. 2:10; 1 Cor. 2:2; 2 Cor. 4:5).
- II. “Nahimuot nga mopuyo Niya ang tanang kahupnganan” (Col. 1:19); “nagpuyo diha Niya ang tanang kahupnganan sa Dios sa lawas gyod” (2:9):**
- A. Kaayo sa Dios ang kahupnganan—1:19.
 - B. Dunay butang nga naila ingon nga kahupnganan, ug nahimuot nga mopuyo diha ni Cristo ang kahupnganan.
 - C. Nagpasabot ang *kahupnganan* sa Colosas 1:19 og pagpadayag; ang kahupnganan mao ang pagpadayag sa tanang pagkamao sa Dios.
 - D. Niingon lang si Pablo nga nahimuot nga mopuyo diha ni Cristo ang tanang kahupnganan—v. 19.
 - E. Nagpuyo ang tanang kahupnganan sa Dios diha ni Cristo—Efe. 1:10, 23; 3:19; 4:13.
 - F. Sa nagpuyo ni Cristo sa sulod nato, gipaambit Niya sa atong pagkatawo ang kahupnganan sa Dios aron mapuno ta hangtod ngani nga mahimo tang kahupnganan sa Dios nga praktikal nga magpadayag sa iglesia, nga niini mahimaya ang Dios diha sa Iyang pagpadayag—Juan 1:16.
 - G. Sa metabolicong mahilis-sagol sa atong pagkatawo ang kadato ni Cristo, mag-umol kini nato nga makahupnganan ni Cristo, ang iglesia, nga pagpadayag Niya—Efe. 1:7, 10; 3:19; 4:13.
 - H. Ang kahupnganan maoy nagpuyo diha ni Cristo, ang kahupnganan maoy nagpasig-uli nato, ug ngadto sa kahupnganana ipaatubang unya ta:
 1. Ang kahupnganan mao ang Dios mismo.
 2. Nahimuot nga mopuyo diha ni Cristo kining kahupnganana, aron ipasig-uli ta, ug ipaatubang ta Kaniya.
 - I. Sa Efeso 3:19 duna tay dugang pulong kalabot sa kahupnganan sa Dios: “Makaila sa gugma ni Cristo nga labaw-sa-kahibalo, aron mapuno mo ug mahimong tanang kahupnganan sa Dios”:

1. Niingon si Pablo dinhi nga mapuno ta ug mahimong tanang kahupnganan sa Dios; sa ato pa, mapuno ta sa pagpadayag sa Dios.
2. Sa malig-onan ta nganha sa tawo sa sulod, sa makabalay si Cristo sa atong kasingkasing, ug sa mapagamot ug mapasukad ta diha sa gugma (vv. 16-17), mapuno ta ug mahimong tanang kahupnganan sa Dios.
3. Diha sa atong espiritu mapuno ta ug mahimong tanang kahupnganan sa Dios aron mahimong pagpadayag Niya.